

十
誦
律



三百十
職三

49897



佛日增輝
轉法輪宗
轉
山城州五女寺法金剛院置

藏書印



十誦律卷第三

職

姚秦三藏弗若多羅共三藏鳩摩羅什譯

十三事初誦之三

佛在舍衛國介時長老迦留陀夷有別房舍別
房舍中有好牀榻被褥敷好獨坐牀掃灑內
外皆悉淨潔以淨水瓶盛滿冷水常用水瓶
盛滿冷水是迦留陀夷姪欲發時便自出精
離急熱故得安快住後時迦留陀夷知此
丘來相問評在一面坐語迦留陀夷汝忍不
足不安樂住不不之不答言忍足安樂住不
乏問曰云何忍足安樂住不之答言諸長老
我有別房好牀被褥淨水瓶常用水瓶皆滿

冷水掃灑內外皆悉淨潔敷好獨坐牀媿欲
發時便自出精離急熱故得安快住諸長老
以是因緣故忍足安樂住不乏諸比丘言汝
非忍非足實苦惱行以為安樂汝所作事非
沙門法不隨順道不清淨行出家之人所不
應作汝不知佛以種種因緣呵欲欲想種種
因緣讚歎離欲想滅欲熱佛常說法教人離
欲汝尚不應生心何況乃作起欲恚癡結縛
根本不淨惡業諸比丘種種因緣呵已向佛
廣說佛以是事集比丘僧知而故問迦留陀
夷汝實作是事不答言實作世尊佛以種種
因緣呵責汝所作事非沙門法不隨順道不

清淨行出家之人所不應作汝癡人不知我以種種因緣呵欲欲想種種因緣讚歎離欲想滅欲熱我常說法教人離欲汝尚不應生心何況乃作起欲恚癡結縛根本不淨惡業汝癡人以此手受他信施供養云何復以此手作不淨行佛如是種種因緣呵已語諸比

丘以十利故與諸比丘結戒從今是戒應如是說若比丘故出精僧伽婆尸沙佛結是戒已諸比丘夢中精出心生疑悔往阿難所頭面禮足一面坐已語阿難言世尊結戒出精者僧伽婆尸沙今諸比丘夢中出精心生疑悔願為我等問佛是事阿難默然受諸比丘

語諸比丘知阿難默然受已從座起頭面禮足還去不久阿難往詣佛所頭面禮足在一面立白佛言世尊世尊為諸比丘結戒出精者僧伽婆尸沙佛雖如是結戒今諸比丘夢中出精心生疑悔阿難問佛夢中有心想不佛言有心想而不作佛以是事集比丘僧種種因緣讚戒讚持戒讚持戒已語諸比丘從今是戒應如是說若比丘故出精除夢中僧伽婆尸沙僧伽婆尸沙者是罪屬僧僧中有殘因眾僧前悔過得滅是名僧伽婆尸沙是中犯者有三種一者發心欲出二者身動三者精出復有三種一者為受樂二者治病

三者為自試比丘以內受色為受樂故發心
身動精出僧伽婆尸沙為治病故為試看故
以內受色發心身動精出僧伽婆尸沙比丘
以外不受色為受樂故為治病故為試看故
發心身動精出僧伽婆尸沙復有四種一者
虛空中動二者發心三者身動四者精出比
丘以內受色為受樂故虛空中動發心身動
精出僧伽婆尸沙為治病故為試看故虛空
中動發心身動精出僧伽婆尸沙復有五種
若比丘搔小便處捺小便處發心身動精出
僧伽婆尸沙比丘以內受色為受樂故為治
病故為試看故搔捺小便處發心身動出精

僧伽婆尸沙比丘以外不受色爲受樂故爲治病故爲試看故搔捺小便處發心身動精出僧伽婆尸沙是中精有五種一者青二者黃三者赤四者白五者薄青者轉輪王及轉輪王受職太子黃者轉輪王其餘諸子赤者轉輪王最上大臣白者年已成人薄者年未成人若人青精出者不出黃赤白薄但能出青若人黃精出者不出赤白薄青但能出黃若人赤精出者不出白薄青黃但能出赤若人白精出者不出薄青黃赤但能出白若人薄精出者不出青黃赤白但能出薄若比丘爲出青精故搔捺小便處發心身動精出僧

伽婆尸沙若比丘為出黃赤白薄精故搔捺
小便處發心身動精出僧伽婆尸沙若一人
一時出五種精者無有是處或有人多行姪
故有種種精出或擔重故遠騎乘故筋節斷
解故有種種精出若比丘起欲想欲欲覺
欲熱不發心欲出身不動精自出者無犯若
比丘男根上有瘡疱癬痒為治是病故搔捺
精出無犯若比丘向火炙男根痒摩觸精出
無犯若比丘行時兩髀摩觸或衣觸或騎乘
或載車身動精出不犯若比丘見好色故精
出不犯若不見形憶想故精出不犯一事竟
佛在舍衛國介時長老迦留陀夷晨朝時到

著衣持鉢入城乞食食已還房持戶鉤在門
間立作如是念若有女人欲來入僧坊看房
舍者我當亦諸房處時迦留陀夷遙見衆女
人便言姊妹來我當示汝諸房舍處少多示
已將至自房摩觸其身是衆女中有喜者默
然有不喜者即出房外語諸比丘太德法應
示耶此安隱處更有恐怖諸比丘言云何安
隱處更有恐怖衆女人廣說上事諸比丘言
如汝所說安隱處更有恐怖時諸比丘種種
因緣爲衆女人說法示教利喜頭面作禮還
去不久諸比丘詣佛所頭面禮足在一面坐
向佛廣說佛以是事集比丘僧知而故問迦

留陁夷汝實作是事不荅言實作世尊佛以
種種因緣呵責迦留陁夷汝所作事非沙門
法不隨順道不清淨行出家之人所不應作
汝癡人不知我以種種因緣呵欲欲想種種
因緣稱讚離欲除滅欲想我常說法教人離
欲汝尚不應生心何況乃作起欲恚癡結縛
根本不淨惡業佛種種因緣呵已語諸比丘
以十利故與諸比丘結戒從今是戒應如是
說若比丘欲盛變心故觸女身若捉手臂頭
髮若一一身分上下摩觸僧伽婆尸沙欲盛
者即名變心亦名貪心染心繫心或有變心
非欲盛心亦非貪心染心繫心如狂癡人亂心

人病壞心人是名變心非欲盛心染心繫心
女人者有大有中有小童女非童女堪作姪
欲觸身者共在一處手者從腕及指臂者從
腕至肩髮者頭髮若劫貝毳納頭鬚一一身
分者眼耳鼻等是中犯者有九種上摩下摩
若抱若捉若牽若推若舉若下若摩觸大小
便處若比丘欲盛變心上下摩觸無衣女人
頭僧伽婆尸沙若摩面咽脣腹肋脊齋罽大
小便處脛膝蹲僧伽婆尸沙如是抱捉牽推
舉下摩大小便處亦如是若比丘從地舉無
衣女人著土埽上土埽上著踞牀上踞牀上
著獨坐牀上獨坐牀上著大牀上大牀上著

舉上舉上著車上車上著馬上馬上著象上
爲上著堂上堂上乃至從小下處著小高處
僧伽婆尸沙若比丘欲盛變心從堂上舉無
衣女人著爲上爲上著馬上馬上著車上車
上著輿上輿上著大牀上大牀上著獨坐牀
上獨坐牀上著踞牀上踞牀上著土埵上土
埵上著地乃至小高處著小下處僧伽婆尸
沙若比丘欲盛變心上下摩觸有衣女人頭
偷蘭遮若摩面咽膏肩腹肋脊齋罽大小便
處脛膝踣偷蘭遮如是抱捉牽推舉下摩大
小便處偷蘭遮若比丘欲盛變心從地舉有
衣女人著土埵上乃至小高處舉著小下處偷

蘭遮若女人欲盛變心上下摩觸無衣比丘
頭比丘有欲心身動受細滑僧伽婆尸沙若
摩面咽膏腹肋脊齋膏大小便處髀膝踣比
丘有欲心身動受細滑僧伽婆尸沙如是抱
捉牽推舉下摩大小便處比丘有欲心身動
受細滑僧伽婆尸沙若女人欲盛變心從地
舉無衣比丘著土埵上乃至小下處舉著小
高處比丘有欲心身動受是細滑僧伽婆尸
沙若女人欲盛變心從堂上舉無衣比丘著
為上乃至小高處舉著小下處比丘有欲心
身動受細滑僧伽婆尸沙若女人欲盛變心
上下摩觸有衣比丘頭比丘有欲心身動受

細滑偷蘭遮若摩面咽膏腹肋脊齋髀大小
便處髀膝蹲比丘有欲心身動受細滑偷蘭
遮如是抱捉牽推舉下摩大小便處比丘有
欲心身動受細滑偷蘭遮若女人欲盛變心
從地舉有衣比丘著土埵上乃至小下處舉
著小高處比丘有欲心身動受細滑偷蘭遮

若女人欲盛變心從堂上舉有衣比丘著焉
上乃至小高處著小下處比丘欲心身動受
細滑偷蘭遮若一比丘摩一女人一比丘僧
伽婆尸沙若一比丘摩二三四女人僧伽婆
尸沙若二比丘摩二三四一女人僧伽婆尸
沙若三比丘摩三四一二女人僧伽婆尸沙

若四比丘摩四一二三女人僧伽婆尸沙女人
人所女人想摩僧伽婆尸沙女人所男想黃
門想二根想摩僧伽婆尸沙男所男想黃門
想二根想女人想摩偷蘭遮黃門所黃門想
二根想女想男想摩偷蘭遮二根所二根想
女想男想黃門想摩偷蘭遮若是事人女邊
僧伽婆尸沙即是事非人女邊偷蘭遮若是
事人女邊偷蘭遮即是事非人女邊突吉羅
若母想姊妹想女想摩觸女人身不犯若救
火難水難刀難若墮高處惡虫難惡鬼難不
犯若無染心觸不犯二事竟
佛在舍衛國介時長老迦留陁夷晨朝時到

著衣持鉢入城乞食食已還房取戶鉤在門
間立作如是念若有女人欲來看者我當示
諸房處尔時迦留陀夷遙見諸女便言姊妹
來我當示汝諸房舍處少多示已將至自房
中作不淨惡語是諸女人有喜者默然不喜
者出外語諸比丘大德法應尔耶此安隱處
更有恐怖諸比丘言云何安隱處更有恐怖
諸女廣說上事諸比丘言如汝所說時諸比
丘以種種因緣為衆女說法示教利喜頭面
禮足還去不久諸比丘以是因緣向佛廣說
佛以是事集比丘僧知而故問迦留陀夷汝
實作是事不答言實作世尊佛以種種因緣

呵責迦留陀夷汝所作事非沙門法不隨順
道不清淨行出家之人所不應作汝癡人不
知我以種種因緣呵責諸欲欲想種種因緣
稱讚離欲除滅欲熱我常說法教人離欲汝
尚不應生心何況乃作起欲恚癡結縛根本
不淨惡業佛種種因緣呵已語諸比丘以十
利故與諸比丘結戒從今是戒應如是說
若比丘欲盛變心在女人前作不淨惡語隨
姪欲法說者僧伽婆尸沙不淨惡語者隨波羅
夷隨僧伽婆尸沙事雖一切罪皆名為惡但
此是重罪因緣故名為惡語隨姪欲法者二
身共會說者如年少男女姪欲盛故具說惡

語是中犯者有九種讚毀乞願問反問辨教
罵讚者比丘在女人前讚歎三瘡門形色端
正不大不小不麁不細乃至百語一一語中
僧伽婆尸沙毀者比丘在女人前毀訾三瘡
門形色不好或大或小或麁或細乃至百語
一一語中僧伽婆尸沙乞者比丘在女人前
乞言汝三瘡門中隨意與我我於三瘡門中
隨汝意作乃至百語一一語中僧伽婆尸沙
願者比丘在女人前願言若人得汝三瘡門
者是福德樂人汝能三瘡門中隨汝意作乃
至百語一一語中僧伽婆尸沙問者比丘問
女人言汝夫三瘡門中幾種作幾時作乃至

百語一一語中僧伽婆尸沙反問者比丘問
女人言汝夫於三瘡門中不如是作耶乃至
百語一一語中僧伽婆尸沙辨者比丘在女
人前言我辦酒食槃案華香瓔珞末香塗香敷
好牀褥汝若來者我於三瘡門中隨汝意作
乃至百語一一語中僧伽婆尸沙教者比丘
教女人言汝三瘡門中隨意與男子者則爲
男子所愛乃至百語一一語中僧伽婆尸沙
罵者比丘罵女人有二種麁罵細罵乃至百
語一一語中僧伽婆尸沙若女人在比丘前
讚三瘡門形色端正乃至百語是中比丘隨
順其心少多語出一一語中僧伽婆尸沙若

女人在比丘前毀咎三瘡門形色不好乃至
百語是中比丘隨順其心少多語出一一語
中僧伽婆尸沙若女人在比丘前乞三瘡門
中隨我意作我隨汝意與乃至百語是中比
丘隨順其心少多語出一一語中僧伽婆尸
沙若女人在比丘前願言若人得我三瘡門
者是福德樂人我能隨意與乃至百語是中
比丘隨順其心少多語出一一語中僧伽婆
尸沙若女人在比丘前問言汝於三瘡門中
能幾種作幾時作乃至百語是中比丘隨順
其心少多語出一一語中僧伽婆尸沙若女
人在比丘前反問言汝於三瘡門中不如是

作耶乃至百語是中比丘隨順其心少多語
出一語中僧伽婆尸沙若女人在比丘前
言我辦酒食槃案香花瓔珞末香塗香敷好
牀褥汝能來者三瘡門中隨汝意與乃至百
語是中比丘隨順其心少多語出一語中
僧伽婆尸沙若女人在比丘前教言汝能三
瘡門中隨意作者則為女人所愛乃至百語
是中比丘隨順其心少多語出一語中僧
伽婆尸沙若女人在比丘前罵是比丘麁罵
細罵乃至百語是中比丘隨順其心少多語
出一語中僧伽婆尸沙若一比丘向一女
人不淨惡語一比丘僧伽婆尸沙若一比丘

向二三四女人不淨惡語僧伽婆尸沙若二
比丘向二三四一女人不淨惡語僧伽婆尸
沙若三比丘向三四一二女人不淨惡語僧
伽婆尸沙若四比丘向四一二三女人不淨
惡語僧伽婆尸沙若比丘女人所女人想不
淨惡語僧伽婆尸沙女人所男想黃門想二
根想不淨惡語僧伽婆尸沙男所男想不淨
惡語偷蘭遮男所黃門想二根想女想不淨
惡語偷蘭遮黃門所黃門想二根想女想男
想不淨惡語偷蘭遮二根所女想男想黃門
想二根想不淨惡語偷蘭遮若是事人女邊
僧伽婆尸沙即是事非人女邊偷蘭遮若是

事人女邊偷蘭遮即是事非人女邊突吉羅

三事竟

佛在舍衛國介時長老迦留陀夷晨朝時到
著衣持鉢入城乞食食已還自房中持戶鈎
在門間立作如是念若有女人欲來僧坊看
房舍者我當示諸房處介時迦留陀夷遙見
衆女來便言姊妹我當示汝諸房舍處少多
示已將至自房向女人讚歎姪欲供養己身
是衆女中有喜者默然不喜者出外語諸比
丘大德法應介耶此安隱處更有恐怖諸比
丘言云何安隱處更有恐怖諸女人廣說上
事諸比丘言如汝所說時諸比丘以種種因
緣與衆女說法示教利喜頭面禮足還去不

久諸比丘以是因緣向佛廣說佛以是事集
比丘僧知而故問迦留陁夷汝實作是事不
答言實作世尊佛以種種因緣呵責汝所作
事非沙門法不隨順道不清淨行出家之人
所不應作汝癡人不知我以種種因緣呵欲
欲想種種因緣讚歎離欲除滅欲熱我常說
法教人離欲汝尚不應生心何況乃作起欲
恚癡結縛根本不淨惡業佛以種種因緣呵
已語諸比丘以十利故與諸比丘結戒從今
是戒應如是說若比丘欲盛變心在女人前
讚歎己身供養作如是言汝能以身供養我等
持戒行善梵行人者諸供養中第一供養僧伽

婆尸沙以身供養者比丘語女人言汝能以
身作姪欲供養者諸供養中第一供養持戒
者大戒律法盡能受持行善者正見忍辱故
梵行者二身不共會故是中犯者有九種謂
上大勝巧善妙福好使上者若比丘語女人
言汝能以身作姪欲供養我等持戒人者諸
供養中是上供養僧伽婆尸沙若語女人言
汝能以身作姪欲供養行善人者是上供養
僧伽婆尸沙若語女人言汝能以身作姪欲
供養梵行人者是上供養僧伽婆尸沙若語
女人言汝能以身供養持戒行善人持戒梵
行人行善梵行人持戒行善梵行人者是上

供養僧伽婆尸沙若比丘語女人言汝能以
身作姪欲供養不大持戒人者是上供養僧
伽婆尸沙若語女人言汝能以身作姪欲供
養不大行善人者是上供養僧伽婆尸沙若
語女人言汝能以身作姪欲供養不大修梵
行人是上供養僧伽婆尸沙若語女人言汝
能以身作姪欲供養不大持戒行善人不大
持戒梵行人不大行善梵行人不大持戒行
善梵行人者是上供養僧伽婆尸沙若比丘
語女人言不以自身作姪欲供養我等持戒
人者是上供養偷蘭遮若語女人言不以自
身作姪欲供養行善人者是上供養偷蘭遮

若語女人言不以自身作姪欲供養梵行人者
是上供養偷蘭遮若語女人言不以自身作
姪欲供養持戒行善人持戒梵行人行
善梵行人持戒行善梵行人者是上供養偷
蘭遮若比丘語女人言不以自身作姪欲供
養不大持戒人者是上供養偷蘭遮若比丘
語女人言不以自身作姪欲供養不大行善
人者是上供養偷蘭遮若語女人言不以自
身作姪欲供養不大修梵行人者是上供養
偷蘭遮若語女人言不以自身作姪欲供養
不大持戒行善人不大持戒梵行人不大行
善梵行人不大持戒行善梵行人者是上供

養偷蘭遮如是大勝巧善妙福好快供養亦
如是若比丘語女人言汝能以身作姪欲供
養持戒人者是上大供養僧伽婆尸沙若言
上勝上巧上善上妙上福上好上快供養僧
伽婆尸沙若言大勝大巧大善大妙大福大
好大快供養僧伽婆尸沙若言勝巧勝善勝
妙勝福勝好勝快供養僧伽婆尸沙若言巧
善巧妙巧福巧好巧快供養僧伽婆尸沙若
言善妙善福善好善快供養僧伽婆尸沙若
言妙福妙好妙快供養僧伽婆尸沙若言福
好福快供養僧伽婆尸沙若言好快供養僧
伽婆尸沙若言上大勝上大巧上大善上大

妙上大福上大好上大快供養僧伽婆尸沙
若言大勝巧大勝善大勝妙大勝福大勝好
大勝快供養僧伽婆尸沙若言勝巧善勝巧
妙勝巧福勝巧好勝巧快供養僧伽婆尸沙
若言巧善妙巧善福巧善好巧善快供養僧
伽婆尸沙若言善妙福善妙好善妙快供養
僧伽婆尸沙若言妙福好妙福快供養僧伽
婆尸沙若言福好快供養僧伽婆尸沙若言
上大勝巧上大勝善上大勝妙上大勝福上
大勝好上大勝快供養僧伽婆尸沙若言上
大勝巧善上大勝巧妙上大勝巧福上大勝
巧好上大勝巧快供養僧伽婆尸沙若言上

大勝巧善妙上大勝巧善福上大勝巧善好
上大勝巧善快供養僧伽婆尸沙若言上大
勝巧善妙福上大勝巧善好上大勝巧善
妙快供養僧伽婆尸沙若言上大勝巧善妙
福妙上大勝巧善妙福快供養僧伽婆尸沙
若比丘語女人言若以飲食花香瓔珞持用
供養是上供養能以身供養者是上中上僧
伽婆尸沙如是大勝巧善妙福好快亦如是
若語女人言以飲食衣被卧具花香瓔珞持
用供養是上中上能以身供養者過是上中
上僧伽婆尸沙如是大勝巧善妙福好快亦
如是若一比丘向一女人讚歎以身供養一僧

伽婆尸沙若一比丘向二三四女人讚歎以
身供養僧伽婆尸沙若二比丘向二三四一
女人讚歎以身供養僧伽婆尸沙若三比丘
向三四一二女人讚歎以身供養僧伽婆尸
沙若四比丘向四一二三女人讚歎以身供
養僧伽婆尸沙若比丘女人所女人想讚歎
僧伽婆尸沙女人所男想黃門想二根想讚
歎僧伽婆尸沙男所男想黃門想二根想女
想讚歎偷蘭遮黃門所黃門想二根想女想
男想讚歎偷蘭遮二根所二根想女想男想
黃門想讚歎偷蘭遮若是事人女邊僧伽婆
尸沙即是事非人女邊偷蘭遮若是事人女

邊偷蘭遮即是事非人女邊突吉羅四事竟

佛在舍衛國尔時有鹿子長者兒名曰迦羅
聰智利根衆人所問常爲斷疑他事忿務若
人有女姊妹有來求者往問迦羅某求我女
若姊妹是人爲好不好應與不應與能與婦
兒衣食不若迦羅言不好不能與婦兒衣食
汝莫與女即便不與若迦羅言好能與婦兒
衣食汝當與女即隨語與若人自爲求婦若
爲兒求往問迦羅我求某女是女好不好能成
家事爲可取不若迦羅言不好不能成家事
汝莫取之即隨語不取若迦羅言好能成家
事汝可取之即隨語取若諸人女姊妹墮貧

窮勤苦重作惡處衣食不充便作是言如我
女姊妹所受苦惱諸問迦羅信受語者所受
苦惱當復劇是由我等信受迦羅語故今女
姊妹墮是惡處貧窮勤苦衣食不充若諸人
女姊妹墮好處富樂衣食充足便作是念如
我女姊妹所受富樂諸問迦羅信受語者所
受富樂當復勝是我等信受迦羅語故令女
姊妹得好處衣食充足今時迦羅或得稱譽
或得毀訾是人後時以信出家剃除鬚髮被
著袈裟作比丘已猶如本法他事怠務若人
有女姊妹有來求者往問迦羅比丘其求我
女姊妹是人為好不好應與不應與若迦羅

言是人不好即便不與若迦羅言好即隨語
與若人或爲己爲兒求婦往問迦羅我求某
女若姊妹好不好能辦家事不若迦羅言好
便隨語取若言不好即便不取若諸人女姊
妹有墮貧窮惡處勤苦重作衣食不充便作
是念諸問迦羅信受語者所受勤苦當復劇
是若得富樂好處便作是念諸問迦羅信受
語者所受富樂當復勝是我以信受迦羅語
故今女姊妹得是樂處如是迦羅比丘或
得讚歎或得毀訾是迦羅比丘數出入諸檀
越舍有人問迦羅言大德汝至某家不汝能
語某與我兒女若與姊妹迦羅言能如是作

媒人往來有比丘少欲知足行頭陀聞是事
心不喜慚愧種種因緣呵責迦羅云何名比
丘作媒人行如是呵已向佛廣說佛以是事
集比丘僧佛知而故問迦羅比丘汝實作是事
不荅言實作世尊佛以種種因緣呵責汝所
作事非沙門法不隨順道不清淨行出家之
人所不應作汝癡人不知我以種種因緣呵
欲欲想種種因緣讚歎離欲除滅欲熱我常
說法教人離欲汝尚不應生心何況乃作起欲
恚癡結縛根本不淨惡業汝癡人我尚不讚
歎少有欲心何況汝作媒嫁事佛種種因緣呵
已語諸比丘以十利故與諸比丘結戒從今

是戒應如是說若比丘行媒嫁法持女意語
男持男意語女若爲成婦事若爲私通事乃
至一會時僧伽婆尸沙媒法者受他語往來
女者有十四種護父所護母所護父母所護
兄弟所護姉妹所護舅護姑護舅姑護親里
護姓護自護法護夫主護持女意語男者有
女人語比丘言汝能持是語語彼男子不我
爲汝作婦若共私通汝能爲我作夫若共私
通若我與汝女若與汝姉妹汝能作我女夫
若姉妹夫是名持女意語男持男意語女者
有男語比丘言汝能持是語語彼女人不汝
與我作婦若共私通我與汝作夫若共私通

若與我女與我姊妹我與汝作女夫爲姊妹
夫是名持男意語女乃至一會時者一時共交會
故丈夫有七種婦索得水得破得自來得以
衣食得合生得須臾得索得者以少多財物
索得作婦是名索得水得者若人捉手以水
灌掌與女作婦是名水得破得者若被他國
奪得作婦復有自國反叛誅伐得者是名破
得自來得者若女人自心貪著愛樂故來供
給作婦是名自來得衣食得者若女人不能
自活爲衣食故來供給作婦是名衣食得合
生得者若女人語男子言汝有財物我有財
物若生男女當供養我等是名合生得須臾

得者共一交會故是名須臾得是中犯者若
比丘自受主人語自語彼自報主人者僧伽
婆尸沙若自受主人語自語彼使報主人者
僧伽婆尸沙若自受主人語自語彼使使報
主人者僧伽婆尸沙若比丘自受主人語使
語彼使報主人者僧伽婆尸沙若比丘從使
報主人者僧伽婆尸沙若自受主人語使使
者僧伽婆尸沙若自受主人語使使語彼自
報主人者僧伽婆尸沙若自受主人語使使
若比丘自受主人語使使語彼使使報主人
受主人語使語彼自報主人者僧伽婆尸沙
若比丘自受主人語使使語彼使使報主人
者僧伽婆尸沙若自受主人語使使語彼自
報主人者僧伽婆尸沙若自受主人語使使
語彼使報主人者僧伽婆尸沙若比丘從使

受主人語使語彼使報主人者僧伽婆尸沙
若從使受主人語使語彼使使報主人者僧
伽婆尸沙若從使受主人語使語彼自報主
人者僧伽婆尸沙若比丘從使受主人語使
使語彼使使報主人者僧伽婆尸沙若從使
受主人語使使語彼自報主人者僧伽婆尸

身
一
言
行
為
者
三

三

沙

沙若從使受主人語使使語彼使報主人者
僧伽婆尸沙若比丘從使受主人語自語彼
自報主人者僧伽婆尸沙若從彼使受主人語
自語彼使報主人者僧伽婆尸沙若從使受
主人語自語彼使使報主人者僧伽婆尸沙
若比丘從使使受主人語使使語彼使使報

主人者僧伽婆尸沙若從使使受主人語使
使語彼自報主人者僧伽婆尸沙若從使使
受主人語使使語彼使報主人者僧伽婆尸
沙若比丘從使使受主人語自語彼自報主
人者僧伽婆尸沙若從使使受主人語自語
彼使報主人者僧伽婆尸沙若從使使受主
人語自語彼使使報主人者僧伽婆尸沙若
比丘從使使受主人語使語彼使報主人者
僧伽婆尸沙若從使使受主人語使語彼使
使報主人者僧伽婆尸沙若從使使受主人
語使語彼自報主人者僧伽婆尸沙有二比
丘受主人語出外一比丘言汝并說我意若

語彼還報主人者俱僧伽婆尸沙若不報者
俱偷蘭遮有二比丘受主人語出外一比丘
語一比丘莫說我意若語彼還報主人者一
比丘僧伽婆尸沙若不報者偷蘭遮諸比丘
入他舍主人問前行比丘汝等出入某甲家
不能語某甲與我兒若女姊妹前行比丘言
我等不得作媒人後行比丘聞是語便往語
彼居士汝能與某甲兒若女姊妹耶還報者
僧伽婆尸沙不報者偷蘭遮主人問後行比
丘汝能出入是諸家不能語某甲與我兒若
女姊妹不後行比丘言我等不得作媒人前
行比丘聞是語便往語彼居士言汝能與某

甲兒若女姊妹不比丘受語語彼還報者僧
伽婆尸沙不報者偷蘭遮一比丘行道中一
女人語比丘言汝能語某甲與我兒若女姊妹
不比丘受語語彼還報者僧伽婆尸沙不報
者偷蘭遮二三四女人亦如是二三四比丘
亦如是一比丘行道中一男子語比丘言汝
能語某甲與我兒若女姊妹不比丘受語語
彼還報者僧伽婆尸沙不報者偷蘭遮二三
四男子亦如是二三四比丘亦如是黃門二
根亦如是一比丘行道中一女一男語比丘
言汝能語某甲與我兒若女姊妹不比丘受
語語彼還報者僧伽婆尸沙不報者偷蘭遮

二三四女人男子亦如是二三四比丘亦如
是一比丘行道中一女人一黃門語比丘言
汝能語某甲與我兒若女姊妹不比丘受語
語彼還報者僧伽婆尸沙不報者偷蘭遮二
三四女人黃門亦如是二三四比丘亦如是
一比丘行道中一女人一二根人語比丘言
汝能語某甲與我兒若女姊妹不比丘受語
語彼還報者僧伽婆尸沙不報者偷蘭遮二
三四女人二根亦如是二三四比丘亦如是
一比丘行道中一男一黃門語比丘言汝能
語某甲與我兒若女姊妹不比丘受語語彼
還報者僧伽婆尸沙不報者偷蘭遮二三四

男子黃門亦如是二三四比丘亦如是一比丘行道中一男子一二根語比丘言汝能語某甲與我兒若女姊妹不比丘受語語彼還報者僧伽婆尸沙不報者偷蘭遮二三四黃門二根亦如是二三四比丘亦如是一比丘行道中一女一男一黃門一二根語比丘言汝能語某甲與我兒若女姊妹不比丘受語語彼還報者僧伽婆尸沙不報者偷蘭遮二三四黃

三四女人男子黃門二根亦如是二三四比丘亦如是有居士夫婦相瞋不和時一比丘常出入是家晨朝時到著衣持鉢入舍坐已共相問訊教二人令和合比丘生疑我將無犯僧伽婆尸沙耶是事白佛佛言有二種婦一財索得二水得三破賊得三種婦若作券言非我婦禮法未斷猶故出入未唱言非我婦教是和合者偷蘭遮若作券言非我婦禮法已斷不復出入而未唱言非我婦教是和合偷蘭遮若作券言非我婦禮法已斷不復出入唱言非我婦和合是者僧伽婆尸沙受他語有三種還報有六種三種者一威儀二相

三期威儀者比丘語主人言若見我來往坐
立當知得不得相者比丘語主人言若見我
新剃髮若著絕僧伽梨若捉瓦鉢當知得不
得期者比丘語主人言若見我在衆中大語
時若掉衣時當知得不得是名三種受語六
種報者一口二書三手印四威儀五相六期
若比丘口受使語口語彼口還報者僧伽婆尸
沙若書手印威儀相期還報者僧伽婆尸沙比
丘受使口語書語彼書還報者僧伽婆尸沙若
書手印威儀相期口報者僧伽婆尸沙比丘受使
口語手印語彼手印還報者僧伽婆尸沙若手印
威儀相期口書還報者僧伽婆尸沙若比丘

受使書語書語彼書還報者僧伽婆女尸沙若書手
印威儀相期口還報者僧伽婆女尸沙若比丘受
使書語手印語彼手印還報者僧伽婆女尸沙若比丘
手印威儀相期口書還報者僧伽婆女尸沙比丘受
使書語口語彼口還報者僧伽婆女尸沙口書手
印威儀相期還報僧伽婆女尸沙若比丘受使
手印手印語彼手印還報者僧伽婆女尸沙手印
威儀相期口書還報者僧伽婆女尸沙比丘受
使手印語口語彼口還報者僧伽婆女尸沙書
手印威儀相期還報者僧伽婆女尸沙比丘受
手使印書語彼書還報者僧伽婆女尸沙書手
印威儀相期口還報者僧伽婆女尸沙若受富

貴人語語富貴人還報富貴人者僧伽婆尸
沙若受貧賤人語語富貴人還報貧賤者偷
蘭遮若比丘受他語解意盲僧伽婆尸沙若
受意盲不受語偷蘭遮若但受語不解意盲
不犯

五事
竟

佛在阿羅毗國亦時諸阿羅毗比丘自乞作廣
長高大舍以故難治諸比丘數從居乞言
我須塹須埽鈿鏤斧斲金盆槃杆瓶甕麻繩
種種草木皮繩土囊作鹿車麁車諸比丘以
是因緣心常忿懼樂者作事妨廢讀經坐禪
行道亦時長老大迦葉晨朝時到著衣持鉢
入城乞食諸居士遙見大迦葉來即呵責言諸

沙門釋子自言修善功德今自乞物作廣長
高大舍久故難治數來求索種種所須以是
因緣妨廢讀經坐禪行道我等失利供養如
是難滿難養無馱足人大迦葉聞是事心不
喜乞食已往詣佛所頭面禮足在一面坐白
佛言世尊我晨朝時到著衣持鉢入阿羅毗
城乞食諸居士遙見我來呵責言諸沙門釋
子自言修善功德今自乞物作廣長高大舍
久故難治數從我等索擊索搏鉉鏹斧鑿釜
瓮瓶甕草木皮繩常著作事以是因緣妨廢
讀經坐禪行道我等失利供養如是難滿難
養多欲無馱足人惟願世尊與諸比丘作舍

限量佛默然受大迦葉知佛默然受語已將
護舊比丘心故作禮而去去不久佛以是事
集比丘僧知而故問諸比丘汝實作是事不
否言實作世尊佛以種種因緣呵責諸比丘
言云何名比丘自乞作廣長高大舍久故難治
數從諸居士種種求索樂著作事以是因緣
妨廢讀經坐禪行道佛如是種種因緣呵已
語諸比丘以十利故與諸比丘結戒從今是
戒應如是說若比丘自乞作舍無主自爲當
應量作是中量者長修伽陀十二躒手內廣
七躒手是比丘應問諸比丘諸比丘當示無
難無妨處若比丘自乞作舍無主自爲不問

諸比丘過量作者僧伽婆尸沙若自乞者比丘
從諸人乞若得百錢五十乃至一錢舍者温
室涼室殿堂樓閣一柱舍重舍無王者是舍
無檀越王若男女黃門二根自爲者不爲衆
僧故專爲已故名爲自爲量者佛言用我手
量長十二跽手內廣七跽手問者應問僧示
處者僧應示作處難處者是中
有蛇窟蜈蚣
百足毒虫乃至鼠穴無難者是中無蛇窟蜈
蚣百足毒虫乃至鼠穴妨處者
是舍四邊一
尋地內有塔地若官地居士地
外道地比丘
尼地若有大石流水池水大樹
深坑如有是
有妨處僧不應亦無妨處者
是舍四邊一尋地

內無塔地官地居士地外道地比丘尼地大
石流水池水大樹深坑如是無妨處僧應示
是比丘應從僧乞示作處乞示作處法者僧
一心和合時是比丘從座起偏袒右肩脫草屣
胡跪合掌應作是言諸長老一心念我某甲
比丘為是自乞作舍無主自為無難無妨處
作故從僧乞示作處僧憐愍故示我作處第
二第三亦如是乞是中僧應籌量可示不可
示若是比丘言無難而實有難不應示若言
無妨而實有妨亦不應示若言無難無妨而
實有難有妨不應示若言無難實無難應示
若言無妨實無妨應示若言無難無妨實無

難無妨應示亦法者僧一心和合一比丘僧
中唱言大德僧聽某甲比丘欲自乞作舍無
主自為無難無妨處作故從僧乞示作處若
僧時到僧忍聽僧當示某甲比丘作處白如
是大德僧聽某甲比丘自乞作舍無主自為
無難無妨處作故從僧乞示作處僧憐愍
故當示作處誰諸長老忍某甲自乞作
舍無主自為無難無妨處作者默然若不忍
者說僧示某甲比丘自乞作舍無主自為
無難無妨處作竟僧忍默然故是事如是持
是中犯者若比丘自乞作舍無主自為不如
法作者犯過量作犯不問處犯有難處犯有

妨處犯過量不問處犯過量難處犯過
量妨處犯不問難處犯不問妨處犯難
處妨處犯過量不問難處犯過量不問
妨處犯若過量不問難處妨處犯若比丘
語餘比丘為我作舍語已便去後為作竟是
舍不如法作者犯若過量作犯不問處犯有
難處犯妨處犯過量不問處犯過量難
處犯過量妨處犯不問難處犯不問妨
處犯難處妨處犯過量不問難處犯過
量不問妨處犯過量不問難處妨處犯若
比丘語餘比丘為我作舍語已便去後作未
成行還自成是舍不如法作犯過量作犯不

問處犯難處犯妨處犯過量不問犯過
量難處犯過量妨處犯不問難處犯不
問妨處犯難處妨處犯過量不問難處犯過
量不問妨處犯過量不問難處妨處犯若為
佛為僧無犯若得先成舍無犯

六事竟

佛在俱舍彌國亦時長老闍那多有知識國
王夫人王子大臣將帥官屬以多知識故伐
他神樹作大房舍是樹多人所識多人所用
諸居士嫌恨呵責諸沙門釋子自言修善功
德以國王夫人王子大臣將帥官屬所知識
故伐是多人所識多人所用神樹作大房舍
我等失利供養如是難滿難養多欲無厭足

人有比丘少欲知足行頭陀聞是事心不喜
向佛廣說佛以是事集比丘僧知而故問闡
那汝實作是事不答言實作世尊佛以種種
因緣呵責言云何名比丘以國王夫人王子大
臣將帥官屬所知識故伐是多人所識用神
樹作大房舍佛種種因緣呵責已語諸比丘
以十利故與諸比丘結戒從今是戒應如是
說若比丘作大房舍有主自為作是比丘應
問諸比丘諸比丘當示無難無妨處若比丘
作大房舍有主自為不問諸比丘難處妨處
作者僧伽婆尸沙大舍者温室涼室殿堂樓
閣一柱舍重舍乃至容四威儀行立坐卧有

主者是舍有檀越主若男若女黃門二根自
爲者不爲僧故專爲已故名爲自爲問者應
問僧示處者僧應示處難處妨處者如上說
是比丘應從僧乞亦作處乞法者僧一心和
合是比丘從座起偏袒右肩脫革屣胡跪合
掌應作是言諸長老一心念我某甲比丘欲作
大房舍有主自爲無難無妨處作我某甲比
丘爲是有主自爲無難無妨處作故從僧乞
示作處僧憐愍愍故示我作處第二第三亦如
是乞是中僧應籌量可示不可亦若言無難
而實有難若言無妨而實有妨若言無難無
妨而實有難有妨皆不應示無妨實無妨無

難實無難應示亦法者僧一心和合一比丘
僧中唱言大德僧聽某甲比丘欲作大舍有
主自為無難無妨處作是比丘為作大舍故
從僧乞亦作處若僧時到僧忍聽僧當示某甲
比丘作處白如是大德僧聽某甲比丘欲作
大舍有主自為無難無妨處作故從僧乞亦
作處僧憐愍愍故當示作處誰諸長老忍某甲
比丘作大舍有主自為無難無妨處作者
默然若不忍者說如是白四羯磨僧示竟某
甲比丘作大舍有主自為無難無妨處作竟僧忍
默然故是事如是持是中犯者若比丘有主
自為過量作大舍犯不問處犯有難處犯有

妨處犯不問有難處犯不問有妨處犯難處
妨處犯不問難處妨處犯若比丘語餘比丘
爲我作舍語已便去後爲作竟是舍過量作犯
不問處犯有難處犯有妨處犯不問有難處
犯不問有妨處犯有難有妨處犯不問有難
妨處犯若比丘語餘比丘爲我作舍語已

便去後作未成行還自成是舍過量作犯不
問處犯有難處犯有妨處犯不問有難處犯
不問有妨處犯有難有妨處犯不問有難有
妨處犯若先成舍無犯七事竟

十誦律卷第三

搔捺

上蘇下奴

刀反

反肥

也

也

也

也

也

痒

音養用正

從腕

手

烏貫反

毛楚歲反

也

土埤

音

下

丁反

踞

音據

訾訾

音紫

劓

奇逆反

叛

音

果

反

踞

音據

訾訾

音紫

劓

奇逆反

叛

音

皆

逆

忿務

上七反

券

丘願反

純

音施平

掉衣

也

上

徒

帶反

搏

音專

鈿

也

純

音施平

掉衣

一

動也

搏

音專

鈿

也

純

音施平

掉衣

也

竹

張也

反

也

闡

上昌反

鬚

所交

反

交

芥齧

音上音昨

齧

音昨

盆

字同

鏤

字

鏤

